



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Kreshnik Spahiu	10.11.2023	12.11.2023	2023/0823

BAZA LIGJORE E SHQYRTIMIT

Me datën: 21.10.2023, OE “SHM Architecture SH.P.K.”- Prishtinë, ka parashtruar ankesë me nr: 2023/0823, kundër anulimit të aktivitetit të prokurimit, lidhur me aktivitetin e prokurimit: “Zhvillimi i projektit ideor dhe te hollësishëm [zbatues kryesor], te arkitekturës dhe te inxhinierisë, për ndërtimin e Stadiumit te ri ne Peje, ne përputhje me Kategorinë III te rregulloreve dhe udhëzimeve teknike për infrastrukture te stadiumeve, te miratuara nga UEFA.” me nr. të prokurimit: "207-23-3988-4-1-3", iniciuar nga Autoriteti Kontraktues (AK) – Ministria e Kulturës RS dhe ÇJK. AK ka zbatuar procedurë të hapur të konkursit të projektimit, vlera e çmimeve të cilat do te shpërblehen: Çmimi 1 – Nuk duhet të kaloj vlerën 155,000.00 Euro, Çmimi 2: 7,000.00 €, Çmimi 3: 3,000.00 €.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Dispozitat e shkelura

Shkeljet e dispozitave të Ligjit Nr. 04/L-042 për Prokurimin Publik të Republikës se Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-92, (LPP), janë: Neni 10 par 3 i Ligjit Nr.04/L-237 – {Mjetet për promovimin e Transparencës}, i plotësuar dhe ndryshuar me nenin 6 par 2 të Ligjit Nr. 05/L-068.

Pretendimet ankimore

Me datën: 21.10.2023, OE “SHM Architecture SH.P.K.”- Prishtinë, ka parashtruar ankesë me nr: 2023/0823, kundër anulimit të aktivitetit të prokurimit, lidhur me aktivitetin e prokurimit: “Zhvillimi i projektit ideor dhe të hollësishëm [zbatues kryesor], të arkitekturës dhe të inxhinierisë, për ndërtimin e Stadiumit të ri në Peje, në përputhje me Kategorinë III të rregulloreve dhe udhëzimeve teknike për infrastrukturë të stadioneve, të miratuara nga UEFA.” me nr. të prokurimit: "207-23-3988-4-1-3", iniciuar nga Autoriteti Kontraktues (AK) – Ministria e Kulturës RS dhe ÇJK. AK ka zbatuar procedurë të hapur të konkursit të projektimit, vlera e çmimeve të cilat do të shpërblehen: Çmimi 1 – Nuk duhet të kalojë vlerën 155,000.00 Euro, Çmimi 2: 7,000.00 €, Çmimi 3: 3,000.00 €.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

Shkeljet e dispozitave të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-92, (LPP), janë: Neni 10 par 3 i Ligjit Nr.04/L-237 – {Mjetet për promovimin e Transparencës}, i plotësuar dhe ndryshuar me nenin 6 par 2 të Ligjit Nr. 05/L-068.

Sipas specifikave të dosjes së tenderëve në kemi dorëzuar aplikacionin/tenderin në kopje fizike- një origjinal dhe dy kopje poashtu edhe një kopje në mënyrë elektronike-USB (ashtu siç është kërkuar).

Në hapje nuk kemi pas të drejtë të marrim pjesë. Për pranimin e aplikacioneve për procedurën e cëkur kemi njoftuar përmes platformës eprokurimi me datë 16.06.2023.

Me datë 09.10.2023 kemi pranuar dokumentin numër B58 Njoftim mbi vendimin e Autoritetit Kontraktues përmes të cilit kemi njoftuar se asnjë prej pjesëmarrësve në konkursin në fjalë nuk ka plotësuar kriteret. Konkretisht aplikacioni ynë në emërtimin/shifrën 1861 është eliminuar sipas dokumentit në fjalë për:

1.3-Materices së programit, i cili mungon,

1.4-Raportit mbi qasjen dhe metodologjinë projektuese, i cili mungon.

Me të marre këtë njoftim dhe duke qenë të bindur se dokumentacionin në fjalë ka qenë pjesë e dorëzuar nga ne në aplikacionin tonë, kemi paraqitur kërkesë për qasje në dokumentacion dhe hapje të kopjes konform Nenit 10 të LIGJI Nr. 04/L-042 PËR PROKURIMIN PUBLIK NË REPUBLIKËN E KOSOVËS. Kërkesën e kemi dorëzuar përmes emailit elektronik të zyrtarit përkatës dhe kemi ngarkuar në platformën eprokurimi me datë 11.10.2023. Ne po të njëjtën datë kemi marrë konfirmim nga Zv.Drejtori i Prokurimit pranë MKRS-së për të drejtën në qasje

ne dokumentacion, por jo edhe të drejtën e hapjes së kopjes së aplikacionit.

Me datë 12.10.2023 ne kemi prezantuar në zyrën e prokurimit pranë MKRS-se dhe kemi marrë dokumentin e vlerësimit të aplikacioneve ku edhe dukshëm kemi qenë aplikacioni që ka plotësuar të gjitha kërkesat, por në kërkesën tonë që ne pranin tonë, në pjesëmarrjen tonë të hapim kopjen që të shohim se mungojnë dokumentet siç ceket edhe në raportin e vlerësimit kemi marrë përgjigje negative.

Andaj duke pas për bazë nenin 10- Mjetet për promovimin e Transparencës të LIGJIT Nr. 04/L-042 PËR PROKURIMIN PUBLIK NË REPUBLIKËN E KOSOVËS, me datë 12.10.2023 kemi parashtruar Kërkesë për Rishqyrtim të aplikacionit tonë dhe në prezencë të përfaqësuesve tanë të bëj hapje e kopjes së aplikacionit me shifër 1861. Me datë 13.10.2023 kemi Pranuar Vendimin e AK, me të cilin kërkesa jonë refuzohet me arsyetimin se: OE nuk kanë të drejtë të hapjen/qasjen në dokumente pasi që një gjë të tillë e ndalon nenin 10 paragrafi 8 të LPP.

Konsiderojmë se AK gabimisht ka vendosur kur ka marrë për bazë nenin 10 par 8 të LPP-së, duke anashkaluar në tërësi dispozitën e nenit 6 par. 2 të Ligjit Nr.05/L-068 për ndryshimin dhe plotësimin e Ligjit Nr.04/L-237 për Prokurimin Publik, i cili përcakton se: “3. *Me kërkesën me shkrim nga cilado palë e interesit, autoriteti kontraktues i siguron qasje të arsyeshme palës që kërkon të ketë qasje në të dhënat e përshkruara në paragrafin 1 dhe 2 të këtij neni, përveç informatave sekrete afariste të cilat vërtetohen si të tilla nga një autoritet përkatës që kanë të bëjnë me çfarëdo aktiviteti të prokurimit që është mbyllur.* Për qëllime të paragrafit 3. të këtij neni, aktiviteti i prokurimit konsiderohet i mbyllur (i) në datën e publikimit të njoftimit për dhënien e kontratës ose njoftimit mbi rezultatet e konkursit të projektimit, (ii) në datën e dhënies së kontratës në rast të tenderëve sipas nenit 37 të këtij ligji, ose (iii) *nëse aktiviteti i prokurimit formalisht është anuluar ose përndryshe është përfunduar para dhënies ose zgjedhjes së fituesit, atëherë në datën e njoftimit për anulim sipas paragrafit 2 të nenit 62 të këtij ligji ose në datën kur aktivitetet ishin përmbyllur*”.

Pra kjo dispozite rregullon në mënyrë strikte obligimin e autoritetit kontraktues që të sigurojë qasje cilësdore palë të interesit, në të dhënat e përshkruara si në paragrafi 1 dhe 2 të nenit 10 të ligjit bazik, përveç qasjes në informatave sekrete afariste. Për më tepër edhe paragrafi 5 i nenit 10 të ligjit bazik, i ndryshuar dhe plotësuar me Ligjin Nr.05/L-068, ka përcaktuar se: “5. *Autoriteti kontraktues, me kërkesë të një pale të interesuar, do të bëjë dhe do të sigurojë palës së tillë të interesuar një kopje të çfarëdo materiali në të cilin pala e tillë e interesuar ka të drejtë e qasjes sipas paragrafit 3 të këtij neni*”, andaj një refuzim bazuar në nenin 10 par 8 të LPP nga ana e Autoritetit Kontraktues, konsiderojmë se është shmangie e qëllimshme nga përgjegjësia ligjore dhe vendimmarrës.

Ne rastin konkret qasja është kërkuar nga ne si OE aplikues, dhe vetëm lidhur me dosjen e dorëzuar nga Ne, andaj edhe kushti për informata sekrete afariste këtu bie, respektivisht nuk mundet AK të kufizojë qasjen tonë. Duke qenë shumë të sigurt ne atë që Ne kemi dorëzuar, konsiderojmë se mosdhënia e qasjes, si dhe anulimi ynë nga ky Konkurs Projektimi, kinse për shkak të mungesës së dokumenteve të kërkuara sipas dosjes dhe specifikacionit teknik, është i pa qëndrueshëm dhe totalisht i pabazuar, andaj kërkojmë nga Paneli Shqyrtues i Organit Shqyrtues të Prokurimit, që bazuar në mandatin ligjor që i ka dhe LPP, të kërkojë nga ana e AK që ti sigurojë kopje të dosjes në origjinal, dhe që pas vlerësimit të saj, Ankesën tonë ta aprovojë në tërësi si të bazuar, dhe lëndën ta kthejë në Rivlerësim.

KRITERET PËR VLERËSIM

Aneksi 1. Specifikimet teknike dhe/ose estetike të detyrueshme

Dokumentet që përbëjnë konceptin e projektit

- Seksioni 1.3. Projekti ideor i tërësisë, arkitekturës dhe inxhinierisë konstruktive
- Produkti 1.3. Matrica [e përshtatur/ përditësuar] e programimit.
- Seksioni 1.4. Projekti ideor i tërësisë, arkitekturës dhe inxhinierisë konstruktive
- Produkti 1.4. Raport mbi qasjen dhe metodologjinë projektuese.

RAPORTI I KOMISIONIT VLERËSUES

Në raportin e komisionit të vlerësimit në lidhje me tenderin e OE ankues me shifrën 1861 shënohet:

Dokumentacioni përbëhet nga 1 origjinal i projektit dhe 2 kopje. Me këtë dëshmon se e plotëson kushtin e parë. Operatori ekonomik ka konkurruar me dokumentacion dhe duke dorëzuar dokumentet e kërkuara sipas thirrjes publike, në një origjinal dhe dy kopje, në versionin fizik dhe digjital në përbërje të:

1.1-Projektin ideor të tërësisë,

1.2-Projektin ideor të arkitekturës dhe inxhinierisë konstruktive,

1.3-Matrica e programit, e cila mungon

1.4-Raportin mbi qasjen dhe metodologjinë projektuese, e cila mungon

1.5-Materialit ekspozues (të përbërë prej 6 panele).

Në kriteret:

Inovacioni -

Ne këtë projektim inovacioni është trajtuar, mirëpo është dashur pak me gjerësisht pasi që vetëm pjesërisht e ka hartuar këtë pjesë dhe vlerësohet me 5 pike. 50%

Vlerat estetike –

Si vlere estetike është trajtuar mjaft mire, është trajtuar edhe në pjesën e akustikës. Objekti është i ndarë në 4 pjesë, ku secila tribune ka ndaljet dhe ka mundësi qarkullimi emergjent cila i duhet objektit sportiv për një zbrazje mete shpejt gjatë zbrazjeve emergjente në lojë. Nuanca e mbulesës është shumë e hapur dhe për temperaturat e larta fakte shumë reflektuese dhe nuk e tërheq nxehtësinë.

Për këtë projekt vlerësohet me 20 pike. 100%

Vlera Funksionale -

- Mungon tuneli i lojtarëve 3m e gjere që tërhiqet, ku pjesa e daljes së lojtarëve është dhe ka hapësirë për vendosjen e këtij tuneli, por nuk është i paraqitur;

- Komentimi - duhet të jete 3 në projekt, por janë vendosur vetëm 2;

- Trar1smebmi kompleks nuk është, duhet të jete një hapësirë prej 400m²;

- Media punon 20 m² - nuk është vërejtur;

-VOC -nuk është vërejtur;

- CCTV - nuk është vërejtur;

- Numri i ulëseve nuk është paraqitur me cope - i numëruar;

- Disnivli i madh për daljen e lojtarëve -1.5m;

- Vip tribunat duhet të jete 100 ndërsa janë paraqitur vetëm 60 tribuna;

- Spektator mjekësor të paktën 1x15 m² - nuk është.

Vlera funksionale merr 20 Pikë. 66.66 %

Përshtatja adekuate me mjedisin përreth - Projektimi është bere mjaft mire, ku gjithçka është përshtatur edhe gjelbërimi është trajtuar mjaft mire bashkë me parkingjet e parapara dhe vlerësohet me piket maksimale 10 Pike. 100%

Për mospërmbushjen e këtyre kushteve si 1.3-Matrices së programi, i cili mungon 1.4-Raportit mbi qasjen dhe metodologjinë projektuese, i cili mungon ky projekt vlerësohet si i pa përgjegjshëm.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

Eksperti me datë 13.11.2023, ka kërkuar nga AK që të sjellë në OSHP origjinalin dhe njëërën kopje të propozimit të dërguar nga OE ankues. Në të njëjtën ditë AK ka sjellë në OSHP materialet e kërkuara.

Raporti i ekspertit shqyrtues, lidhur me ankesën e parashtruar nga OE “SHM Architecture SH.P.K.”, lidhur me aktivitetin e prokurimit “Zhvillimi i projektit ideor dhe të hollësishëm [zbatues kryesor], të arkitekturës dhe të inxhinierisë, për ndërtimin e Stadiumit të ri në Peje, në përputhje me Kategorinë III të rregulloreve dhe udhëzimeve teknike për infrastrukturë të stadioneve, të miratuara nga UEFA.” me numër të prokurimit: “207-23-3988-4-1-3, të iniciuar nga Autoriteti Kontraktues (AK) – MINISTRIA E KULTURËS RS DHE ÇJK

VLERËSIMI SIPAS NENIT 4.1.26 TË LPP

N/A

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - SHM Architecture SH.P.K.

Sqarim hyrës: OE ankues me datë 12.10.2023 ka dorëzuar kërkesën për rishqyrtim në AK. Me datë 13.10.2023 AK ka marr vendim për refuzimin e kërkesës për rishqyrtim.

Pretendimi ankimor: OE ankues pretendon se vendimi i AK-së për diskualifikimin në këtë konkurs projektimi për shkak të mungesës së dokumenteve të kërkuara sipas dosjes së tenderit është i pabazuar. Gjithashtu, moslejimi i hapjes së kopjes së propozimit të OE ankues është në kundërshtim me dispozitat e Ligjit të Prokurimit Publik (LPP-së).

Vlerësimi i Ekspertit

Fillimisht, eksperti sqaron se në lidhje me këtë aktivitet të prokurimit AK ka zbatuar procedurën e Konkursit të Projektimit, me shpërblimet si vijon: çmimit i parë në vlerën maksimale 155,000.00 Euro, çmimi i dytë në vlerë prej 7,000.00 dhe çmimi i tretë 3,000.00.

Dorëzimi i propozimeve është bërë në formë fizike në Zyrën e Prokurimit në Ministrinë e Kulturës Rinisë Sporteve dhe Çështjeve Jorezidente (më tej Ministria). Në dosjen e tenderit, përkatësisht Aneksin 1-Specifikimet teknike të detyrueshme në lidhje me dorëzimin AK ka kërkuar: *"Vulosja dhe shënimi i tenderëve Pjesëmarrësit duhet të dorëzojnë një [1] origjinal dhe dy [2] kopje te origjinalit: Një [1] ORIGJINAL: Një [1] origjinal i Dokumentacionit të kandidatit- në formë të shtypur; Një [1] origjinal i Dokumentacionit të kandidatit- në formë digjitale, [Një CD ose një Pajisje për ruajtje të të dhënave (Data storage device)]. Një [1] origjinal i Projektit ideor- në formë të shtypur; Një [1] origjinal i Projektit ideor- në formë digjitale, [Një CD ose një Pajisje për ruajtje të të dhënave (Data storage device)]. Dy [2] KOPJE TE ORIGJINALIT: Një [1] kopje të origjinalit të Dokumentacionit të kandidatit- në*

formë të shtypur; Një [1] kopje të origjinalit të Dokumentacionit të kandidatit- në formë digjitale; [Një CD ose një Pajisje për ruajtje të të dhënave (Data storage device)]. Një [1] kopje të origjinalit të Projektit ideor- në formë të shtypur; Një [1] kopje të origjinalit të Projektit ideor- në formë digjitale; [Një CD ose një Pajisje për ruajtje të të dhënave (Data storage device)]".

Më tej, sipas shkresave të lëndës, OE ankues ka dorëzuar një origjinal dhe dy kopje të propozimit me kodin 1861.

AK, në vendimin e datës 09.10.2023 konstaton se Juria Profesionale e rekomandon anulimin e procedurës, si rezultat që asnjëra nga shifrat (ofertat) nuk plotësojnë kriteret administrative gjatë fazës së vlerësimit. Më tej në letrën standarde për tenderuesin e eliminuar AK ka specifikuar arsyetimin e eliminimit për OE ankues si vijon: "Për mospërmbushjen e këtyre kushteve si 1.3 Matricës së programit, i cili mungon 1.4 Raportit mbi qasjen dhe metodologjinë projektuese, i cili mungon. Ky projekt vlerësohet si i papërgjegjshëm."

OE ankues me datë 11.10.2023 ka dorëzuar kërkesën për qasje në dokumentacionin e vlerësimit dhe ka kërkuar hapjen e kopjes së ofertës cila është dorëzuar së bashku me origjinalin. Në të njëjtën ditë zv.Drejtori i Prokurimit ka njoftuar palën për të drejtën e qasje në dokumentacion e vlerësimit, por ka refuzuar mundësinë e hapjes së kopjes së aplikacionit.

Me datë 12.10.2023 ka marrë raportin e vlerësimit të tenderëve (propozimeve) por jo edhe qasjen apo mundësinë e hapjes së kopjes së ofertës.

OE ankues si palë e pakënaqur me vendim e AK-së, me datë 12.10.2023 ka dorëzuar në AK kërkesën për rishqyrtim me pretendimet e njëjta ankimore sikurse në këtë ankesë.

AK me datë 13.10.2023 përmes vendimit ka refuzuar kërkesën për rishqyrtim. Në vendimin për refuzimin e kërkesës për rishqyrtim, AK ka dhënë arsyetimin si vijon: "Zyra e Prokurimit në MKRS jep qasje aq sa e lejon e drejta për qasje në dokumente të Prokurimit konkretisht pranoi detajet mbi qasjen në dokumentet tuaja: I/e nderuar. Jeni të ftuar nesër në ora 10:00 për qasje në dokumentacionin fizik dhe vlerësimin sipas kërkesës suaj Zyra 021 MKRS. Deri nesër në këtë kohë do të analizohet Ligji dhe rregulloret për të verifikuar nëse lejohet hapja e kopjes apo jo. Bazuar në analizën e Ligjit konkretisht në nenin ku ju jeni thirrur: Neni 10. Mjetet për promovimin e Transparencës të Ligjit për Prokurimin Publik të Republikës së Kosovës nr. 04/L-042 i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, pika 8. Autoriteti kontraktues do t'i sigurojë një ekspert shqyrtues. KRPP-se ose OSHP-së dhe ose një panel i shqyrtues. qasje në kopjet e cilitdo aktivitet të prokurimit duke përfshirë edhe informatat sekrete afariste dhe çfarëdo informata të tjera që kanë të bëjnë me prokurimin. menjëherë pas kërkesës se të mësipërme. Autoriteti kontraktues gjithashtu do t'i sigurojë qasje dhe kopje të shënimeve dhe informatave të një gjykate kompetente nëse qasja ose kopjet e tilla kërkohen nga një urdhër i nxjerrë nga gjykata e tilla. Autoriteti kontraktues menjëherë do të sigurojë qasjen dhe kopjet e kërkuara në mënyrë të rregullt dhe pa pengesa. Pra. në asnjërin nga pikat nuk specifikohet që Operatori Ekonomik mund të ketë qasje në kopjet e tyre. Te njëjtat mund të hapen vetëm me kërkesë të OSHP-se në momentin që kërkohet për tu hapur dosjet dhe me ndonjë vendim nga Gjykata. Matricat A3 dhe Raporti deri në 50 faqe nuk janë bashkangjitur në origjinalin e vlerësuar nga Komisioni Vlerësues dhe janë vërejtur në fazën vlerësuese. Andaj pretendimi i juaj është i pabazuar. Po

Raporti i ekspertit shqyrtues, lidhur me ankesën e parashtruar nga OE “SHM Architecture SH.P.K.”, lidhur me aktivitetin e prokurimit “Zhvillimi i projektit ideor dhe të hollësishëm [zbatues kryesor], të arkitekturës dhe të inxhinierisë, për ndërtimin e Stadiumit të ri në Peje, në përputhje me Kategorinë III të rregulloreve dhe udhëzimeve teknike për infrastrukturë të stadioneve, të miratuara nga UEFA.” me numër të prokurimit: “207-23-3988-4-1-3, të iniciuar nga Autoriteti Kontraktues (AK) – MINISTRIA E KULTURËS RS DHE ÇJK

ashtu specifikohet qarte ne raport qe shifra 1861 - I .5-Material i ekspozues (te përberë përkitazi nga 6 panele) - nuk është i kompletuar i Ofertuesi ka prezantuar 2 panela (pllakata) mungojnë -1- panele (pllakate) Le përqendruara ne Projektin ideor te arkitekturës dhe inxhinierisë konstrukti e dhe 15 vizatime ne hamer kjo është shpjeguar dje nga zyrtarja monitoruese ne proces. Si i tille pretendimi nga shifra 1861 është i pabazuar."

OE ankues si palë e pakënaqur me vendimin e AK-së të datës 13.10.2023 ka dorëzuar ankesë në OSHP të protokolluar me numër 2023/0823.

Me qëllim të hapjes së kopjes së ofertës, eksperti ka kërkuar përmes email-it me datë 15.11.2023 nga zv.Kryesuesja e Sekretariatit të OSHP-së formimin e një komisioni për hapjen e kopjes së ofertës me prezencën e palëve. Zv.Kryesuesja e Sekretariatit të OSHP-së me datë 16.11.2023 ka nxjerr vendimin numër 823/23 për emërimin e komisionit për hapjen e kopjes së propozimit të dorëzuar nga OE ankues me përbërje: 1.Visar Basha, 2.Kreshnik Spahiu dhe 3.Gjemajli Bellanica.

Me datë 22.11.2023, në prezencë të përfaqësuesve të OE ankues dhe përfaqësuesve nga Ministria e Kulturës, Komisioni ka bërë hapjen e kopjes së propozimit dhe është konstatuar sejanë dorëzuar: *Matrica e programimit* dhe *Raport mbi qasjen dhe metodologjinë projektuese*. Në fund të procesit të hapjes është përpiluar procesverbali dhe është nënshkruar nga Komisionin dhe përfaqësuesit e Ministrisë dhe OE ankues.

Andaj, sipas fakteve dhe provave shkresore në procedurë, eksperti sqaron se në lidhje me qasjen në dokumentet e ofertës te OE ankues, përkatësisht kopjet e ofertës, AK nuk ka vepruar në përputhje me Rregulloren 001/2022 për Prokurimin Publik, Neni 31.3, në të cilin tuhet: *“Tenderi do të dorëzohet të AK në një formë të origjinalit dhe një numër të kopjeve të cilat AK i ka kërkuar në mënyrë të qartë në dosjen e tenderit. Tenderi origjinal si dhe kopjet e kërkuara do të jenë identike. Kopjet hapen në shërbim të komisionit vlerësues.”.*

Më tej në lidhje me arsyet për eliminim të cekura në vendimin e AK-së të datës 09.10.2023, ashtu sikurse është sqaruar mësipër, në hapjen e kopjes së ofertës me datë 22.11.2023, në prezencë të përfaqësuesve nga AK dhe OE, komisioni i hapjes në OSHP ka konstatuar se janë dorëzuar dokumentet *“Matrica e programimit”* dhe *“Raport mbi qasjen dhe metodologjinë projektuese”*, rrjedhimisht eksperti vlerëson se pretendimi ankimor i OE ankues është i bazuar.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për anulim të aktivitetit të prokurimit dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE “SHM Architecture SH.P.K.”, lidhur me aktivitetin e prokurimit “Zhvillimi i projektit ideor dhe të hollësishëm [zbatues kryesor], të arkitekturës dhe të inxhinierisë, për ndërtimin e Stadiumit të ri në Peje, në përputhje me Kategorinë III të rregulloreve dhe udhëzimeve teknike për infrastrukturë të stadioneve, të miratuara nga UEFA.” me numër të prokurimit: “207-23-3988-4-1-3, të iniciuar nga Autoriteti Kontraktues (AK) – MINISTRIA E KULTURES RS DHE ÇJK

Raporti i ekspertizës ti dorëzohet:

- Autoritetit Kontraktues – **MINISTRIA E KULTURES RS DHE ÇJK**
- Panelit Shqyrtues – **OSHP**
- OE ankues – **SHM Architecture SH.P.K.**

Kreshnik Spahiu

